

謝康樂集
卷三四



01867

謝康樂集卷第三

宋 陳郡謝靈運著

明 秣陵隄 茲校

樂府

善哉行



陽谷躍升虞淵引落景曜東隅晚西薄三春燠敷
九秋蕭索涼來溫謝寒往暑却居德斯願積善嬉諛
陰灌陽叢凋華墮喜歡去易慘悲至難鑠激涕當歌
對酒當酌鄙哉愚人戚戚懷癘香哉達士滔滔處樂
謝康樂集 卷三 乙

隴西行

昔在老子至理成篇柱小傾大綆短絕泉鳥之栖遊
赫檀是閑韶樂牢膳豈伊攸便胡為乖枉從表方圓
耿耿僚志慊慊丘園善詩以詠言理成篇

相逢行

樂府作惠連今從大文作灵運

行行卽長道道長息班草邂逅賞心人與我傾懷抱
夷世信難值憂來傷人平生不可保
陽華與春渥陰柯長秋槁心慨榮去速情苦憂來早
日華難久居憂來傷人諄諄亦至老

親黨近卽庇昵君不常好九族悲素霰二良怨黃鳥
邇朱白卽頰憂來傷人近縞潔必皂

水流理就濕火炎同歸燥賞契少能諧斷金斷可寶
千計莫適從憂來傷人萬端信紛繞

巢林宜擇木結友使心曉心曉形迹略略邇誰能了
相逢旣若舊憂來傷人片言代紵縞

悲哉行二首

萋萋春草生王孫遊有情差池鷺始飛夭棗桃一作柳

始榮灼灼桃悅色飛飛鷺弄聲檐上雲結陰澗下風

謝康樂集

卷三

一

吹清幽樹雖改觀終始在初生松蕙歡蔓延樛葛欣

蘼榮眇然遊宦子悟言時未并鼻感改朔氣眼一作心

傷變節榮佗僚豈徒然澶一作緬湯絕音形風來不可

託鳥去豈爲聽

羈人感淑節緣感欲回次我行詎幾時華實驟舒結

覩實情有悲瞻華意無悅覽物懷同志如何復乖別

翩翩翔禽羅關關鳴鳥列翔禽常儔偶所嘆獨乖絕

長歌行

倏爍夕星流昱奕朝露團粲粲鳥有停泫泫豈暫安

徂齡速飛電頽節驚驚滿覽物起悲緒顧已識憂端
朽貌改鮮色悴容變柔顏變改苟催促容色烏盤相
疊疊衰期迫靡靡壯志闌既慙臧孫慨復愧揚子歎
寸陰果有逝尺素竟無觀幸賒道念戚且取長歌權

君子有所思行

總駕越鍾陵還顧望京畿躑躅周名都遊目勸忘

市鄺無阨一作夾室世族有高闈密親麗華苑軒臺飾

通達孰是金張樂諒由燕趙詩長夜恣酣飲窮年弄

音徽盛往速露隊衰來疾風飛餘生不歡娛何以竟

謝康樂集 卷三

三

暮歸寂寥曲肱子瓢飲齋朝饑所秉自天性貧富豈
相譏

會吟行

六引緩清唱三調佇繁音列筵比肩靜寂咸共聆會吟
會吟自有初請從文命敷敷績壺翼始刊木至江汜
列宿炳天文負海橫地理連峯競千仞背流各百里
漉池漑粳稻輕雲暖松杞兩京愧佳麗三都豈能似
層臺指中天高墉積崇雉飛燕躍廣途鷁首戲清沚
群呈窈窕容路曜嬈娟子自來彌世代賢達不可紀

句踐善廢興越叟識行止范蠡出江湖梅福入城市
東方就旅逸梁鴻去桑梓牽綴書土風辭殫意未已

折楊柳行二首

鬱鬱河邊柳青青野田草舍我故鄉客將適萬里道
妻妾牽衣袂杖淚沾懷抱還拊幼童子顧托兄與嫂
辭訣未及終嚴駕一何早負笻引文舟飢渴常不飽
誰令爾貧賤咨嗟何所道

騷屑出穴風揮霍見日雪颼颼無久搖瞰瞰幾時潔
未覺泮春冰已復謝秋節空對尺素遷獨視寸陰滅

謝康樂集

卷三

四

否桑未易繫秦茅難重拔桑茅迭生運語默寄前哲

緩歌行

飛客結靈友凌空翠丹丘習習樞風起采采彤雲浮
娥皇奏湘浦明出河洲宛宛連螭轡喬喬振龍輶

文苑
作旒

日出東南隅行

柏梁冠南山桂宮耀北泉晨風拂幪幌朝日照闈軒
美人臥屏席懷蘭秀瑤璫皎潔秋松氣淑德春景暄

苦寒行

初學又載四句樵蘇無風飲鑿水
黃朝餐悲矣采薇唱苦哉有餘皎

歲歲曾水合一作食紛紛霰雪落浮陽滅清暉寒禽叫
悲壑飢爨煙不與渴汲水枯涸

豫童行

短生旅長世恒覺白日歌覽鏡眊頽容華顏豈久期
苟無廻戈術坐觀落蟪蛄

燕歌行

孟冬初寒節氣成悲風入閨霜依庭秋蟬噪柳鷺樓
楹念君行役怨邊城君何崎嶇久徂征豈無膏沐感
鶴鳴對君不樂淚沾纓闢牕開幌弄秦箏調絃促柱
謝康樂集卷三
五
多哀聲逢夜明月鑿帷屏誰知河漢淺且清展轉思
服悲明星

上留田行

薄遊出彼東道上留田薄遊出彼東道上留田循聽
一何轟轟上留田澄川一何皎皎上留田悠哉邊矣
征夫上留田悠哉邊矣征夫上留田兩服上阪電一電

作雷遊上留田舫舟下遊飈驅上留田別既久無適

上留田此別既久無適上留田寸心繫在萬里上留
田尺素遵此千夕上留田秋冬迭相去就上留田秋

冬送相去就上留田素雪紛紛鶴委上留田清風颺
颺入袖上留田歲云暮矣增憂上留田歲云暮矣增
憂上留田誠知運來詎抑上留田熟視年往莫留上
留田

鞠歌行

德不孤兮必有鄰唱和之契冥相因譬如虬虎兮來
風雲亦如形聲影響陳心懽賞兮歲易淪隱王藏彩
疇識真叔牙顯夷吾親郢既歿匠寢斤覽古籍信伊
人永言知己感良辰

謝康樂集

卷三

六

順東西門行

出西門眺雲間揮斤抉木墜虞泉信道人鑒徂川思
樂暫捨誓不旋閔九九傷牛山宿心載違徒昔言競
落運務頽年招命儕好相追牽酌芳醕奏繁絃惜寸
陰情固然

泰山吟

岱宗秀維嶽崔嵬刺雲天岵嶸旣嶮巖觸石輒千眠
登封瘞崇壇降禪藏肅然石問何旒藹明堂祕靈篇

雜詩

述祖德二首

序曰大元中王父寵定淮南負荷世業專主隆人逮賢相徂謝

君子道消拂衣蕃岳考卜東山事同樂生之時志期范蠡之舉

達人貴自我高情屬天雲兼抱濟物性而不纓垢氛
段生蕃魏國展季救魯人弦高犒晉師仲連卻秦軍
臨組乍不縲對珪寧肯分惠物辭所賞勵志故絕人
若若歷千載遙遙播清塵清塵竟誰嗣明哲垂經綸
委講綴道論改服康世屯屯難既云康尊主隆斯民
中原昔喪亂喪亂豈解已崩騰永嘉末逼迫太元始
河外無反正江介有賊圯萬邦咸震懼橫流賴君子

謝康樂集

卷三

七

拯溺由道情寵暴資神理秦趙欣來蘇燕魏遲文軌
賢相謝世運遠圖因事止高揖七州外拂衣五湖裏
隨山疏濬潭傍巖藝枿遺情捨塵物貞觀丘壑美
九日從宋公戲馬臺集送孔令

季秋邊朔苦旅鴈違霜雪淒淒陽卉腓皎皎寒潭潔
良辰感聖心雲旗興暮節鳴葭疾朱宮蘭卮獻時哲
餞宴光有孚和樂隆所缺在宥天下理吹萬羣方悅
歸客遂海嶠脫冠謝朝列弭棹薄枉渚指景待樂闕
河流有急瀾浮驟無緩轍豈伊川途念宿心愧將別

彼美丘園道喟焉傷薄劣

鄰里相送至方山

祇役出皇邑指期憇甌越解纜及流潮懷舊不能發
析析就衰林瞰瞰明秋月含情易為盈遇物難可歇
積痼謝生盧寡欲罕所闕資此永幽棲豈伊年歲別
各勉日新志音塵慰寂蔑

從游京口北固應詔

玉璽戒誠信黃屋示崇高事為名教用道以神理超
昔聞汾水游今見塵外鑣鳴笳發春渚稅鑾登山椒
謝康樂集卷三
張組眊倒景列筵矚歸潮遠巘映蘭薄白日麗江臯
原隰萋綠柳墟囿散紅桃皇心美陽澤萬象咸光昭
顧已枉維繫撫志慙場苗工拙各所宜終以反林巢
曾是縈舊想覽物奏長謠

晚出西射堂

步出西城門遙望城西岑連障疊巘崿青翠杳深沈
曉霜楓葉丹夕曛嵐氣陰節往感不淺感來念已深
羈雌戀舊侶迷鳥懷故林含情尚勞愛如何離賞心
撫鏡華緇鬢攬帶緩促衿安排徒空言幽獨賴鳴琴

登池上樓

潛虬媚幽姿飛鴻響遠音薄霄媿雲浮棲川乍淵沈
進德智所拙退畊力不任徇祿反窮海卧痾對空林
衾枕昧節候寒開暫窺臨傾耳聆波瀾舉目眺嶇嶽
初景華緒風新陽改故陰池塘生春草園林變鳴禽
祁祁傷幽歌萋萋感楚吟索居易永久離羣難處心
持操豈獨古無悶徵在今

遊南亭

時竟夕澄霽雲歸日西馳密林含餘清遠峰隱半規

謝康樂集

卷三

九

久痾昏墊苦旅館眺郊岐澤蘭漸被逕芙蓉始發池
未厭青春好已觀朱明移慊慊感物歎星星白髮垂
藥餌情所止衰疾忽在斯逝將候秋水息景偃舊崖
我志誰與亮賞心惟良知

遊赤石進帆海

首夏猶清和芳草亦未歇水宿淹晨暮陰霞屢興沒
周覽勸瀛壖况乃凌窮髮川后時安流天吳靜不發
揚帆采石華挂席拾海月溟漲無端倪虛舟有超越
仲連輕齊組子牟眷魏闕公道不足適已物可忽

請附任公言終

石壁精舍山清水作

昏旦變氣候山水含清暉清暉能娛人游子憺

憺一作詹

忘歸出谷日尚早入舟陽已微林壑斂暝色雲霞收

夕霏芰荷送暎蔚蒲稗相因依披拂趨南逕愉悅偃

東扉慮澹物自輕意愜理無違寄言攝生客試用此

道推

登石門最高頂

晨策尋絕壁夕息在山棲疏峯枕高館對嶺臨廻溪

謝康樂集

卷三

十

長林羅戶穴積石擁階基連巘覺路塞密竹使徑迷

來人忘新術去子惑故蹊活活夕流駛噉々夜猿啼

沈寔豈別理守道自不携心契九秋榦目翫三春萸

居常以待終處順故安排惜無同懷客共登青雲梯

於南山往北山經湖中瞻眺

朝旦發陽岨景落憇陰峯舍舟眺廻渚停策倚茂松

側逕旣窈窕環洲亦玲瓏俛視喬木杪仰聆大壑淙

石橫水分流林密蹊絕蹤解作竟何感升長皆丰容

初篁苞綠籜新蒲含紫茸海鷗戲春岸天雞弄和風

無化心無厭覽物眷彌重不惜去人遠但恨莫與同
孤遊非情歎賞廢理誰通

從斤竹澗越嶺溪行

猿鳴誠知曙谷幽光未顯巖下雲方合化上露猶泫
逶迤傷隈隩迢遞陟陁峴過澗旣厲急登棧亦陵緬
川渚屢逕復乘流旣廻轉蘋萍泛沈深菰蒲冒清淺
企石挹飛泉攀林摘葉卷想見山阿人薜蘿若在眼
翹蘭勤徒結折麻心莫展情用賞爲美事昧竟誰辨
觀此遺物慮一悟得所遣

謝康樂集下卷三

十一

廬陵王墓下作

曉月發雲陽落日次朱方含悽泛廣川灑淚眺連岡
眷言懷君子沉痛切中腸道消結懣滿運開申悲涼
神期恒若存德音初不忘徂謝易永久松柏森已行
延州協心許楚老惜蘭芳解劔竟何及撫墳徒自傷
平生疑若人通蔽互相妨理感深情慟定非識所將
脆促良可哀天枉特兼常一隨往化滅安用空名揚
舉聲泣已瀝長嘆不成章

辭滿豈多秩謝病不待年偶與張邴合久欲還東山
聖靈昔廻眷微尚不及宣何意衝飈激烈火縱炎煙
焚王發崑峯餘燼遂見遷投沙理既迫如叩願亦愆
長與懽愛別永絕平生緣浮舟千仞壑總轡萬尋顛
流沫不足險石林豈爲難閩中安可處日夜念歸旋
事蹟兩如直心慚三避賢託身青雲上棲巖挹飛泉
盛明盪氛昏貞休康屯遭殊方感成貸微物豫采甄
感深操不固質弱易扳纏曾是及昔園語往實欸然
曩基卽先築故池不更穿果木有舊行壤石無遠延

謝康樂集下卷三

十二

雖非休憇地聊取永日間衛生自有經息陰謝所牽
夫子照情素探懷授往篇

入華子崗是麻源第三谷

南州實炎德桂樹陵寒山銅陵映碧澗石磴瀉紅泉
旣枉隱淪客亦棲肥遯賢險陁無測度天路非衍阡
遂登羣峰首邈若升雲煙羽人絕髣髴丹丘徒空筌
圖牒復磨滅碑版誰聞傳莫辯百世後安知千載前
且申獨任意乘月弄潺湲恒充俄頃用豈爲古今然

登臨海嶠初發途中作與從弟惠連

杪秋尋遠山山遠行不近與子別山阿含酸赴修矐
中流袂就判欲去情不忍顧望脰末悵汀曲舟隱已

隱汀絕望舟鷺棹逐鷺流欲抑一生歡并奔千里遊
日落當樓薄繫纜臨江樓豈惟夕情斂憶爾共淹留

淹留昔時歡復增今日歎茲情已分慮况迺協悲端
秋泉鳴北澗哀猿響南巒戚戚新別心悽悽久念

攢念攻別心旦發清溪陰暝投剡中宿明登天姥岑
高高入雲霓還期那可尋儻遇浮丘公長絕子微音

入彭蠡湖口

謝康樂集 卷三

十三

客遊倦水宿風潮難具論洲鳥驟迴合圻岸屢崩奔
乘月聽哀狖浥露馥芳蓀春晚綠芷秀巖高白雲屯
千念集日夜萬感盈朝昏楚岵照石鏡牽葉入松門
三江事多往九派理空存靈物去珍怪異人秘精魂
金膏滅明光水碧綴流温徒作千里曲絃絕念彌散

酬從弟惠連

寢瘵謝人徒滅迹入雲峰巖壑寓耳目歡愛隔音容
永絕賞心望長懷莫與同末路值令弟開顏披心

心曾既云披意得咸在斯凌澗尋我室散帙問所知

夕慮曉月流朝忌曛日馳悟對無厭歇聚散成分

分離別西川迴景歸東山別時悲已甚別後情更死

傾想遲嘉音果枉濟江篇辛勤風波事款曲洲言

洲渚旣淹時風波子行遲務協華京想詎存空谷期

猶復惠來章祇足攪余思儻若果歸言共陶暮春時

暮春雖未交仲春善遊遨山桃發紅萼野蕨漸紫苞

嚶鳴已悅豫幽居猶鬱陶夢寐佇歸舟釋我吝與勞

永初三年七月十六日之郡初發都

送職期蘭暑理棹變金素秋岸澄夕陰火旻團朝露

謝康樂集 八卷三

十四

辛苦誰爲情遊子值頽暮愛似莊念昔久敬曾存故

如何懷土心持此謝遠度李牧愧長袖卻克慚蹀步

良時不見遺醜狀不成惡曰余亦支離依方早有慕

生幸休明世親蒙英達顧空班趙氏璧徒乖魏王瓠

從來漸二紀始得傍歸路將窮山海迹永絕賞心晤

過始寧墅

束髮懷耿介逐物遂推遷違志似如昨二紀及茲年

緇磷謝清曠疲薶慙貞堅拙疾相倚薄還得靜者便

剖竹守滄海枉帆過舊山山行窮登頓水涉盡涸沿

巖峭嶺稠疊洲紫渚連鯨白雲抱幽石綠篠媚清漣
葦宇臨迴江築觀基曾顛揮手告鄉曲三載期歸旋
且爲樹粉檟無令孤願言

富春渚

宵濟漁浦潭旦及富春郭定山緬雲霧赤亭無淹薄
逆流觸鷺急臨圻阻參錯亮乏伯昏分險過呂梁壑
浮至宜便習兼山貴止託平生協幽期淪躋困微弱
久露干祿請始果遠游諾宿心漸申寫萬事俱零落
懷抱旣昭曠外物徒龍蠖

謝康樂集六卷三

十五

七里瀨二首

一瞬卽七里箭馳猶是難檣邊走嵐翠枕底失風湍
但訝猿鳥定不知霜月寒前賢竟何益此地誤畢竿

羈心積秋晨晨積展遊眺孤客傷逝湍徒旅苦奔峭
石淺水潺湲日落山照曜荒林紛沃若哀禽相叫嘯
遭物悼遷斥存期得要妙旣秉上皇心豈屑末代諂
目睹嚴子瀨想屬任公釣誰謂古今殊異代可同調

登江中孤嶼

江南倦歷覽江北曠周旋懷新道轉迴尋異景不延

亂流趨正絕孤嶼媚中川雲日相輝映空水共澄鮮
表靈物莫嘗蘊貞誰爲傳想像崑山姿緬邈區中綠
始信安期術得盡養生年

初去郡

彭薛裁知耻貢公未遺榮或可優會競豈足稱達生
伊予秉微尚拙訥謝浮名廬園當樓巖卑位代躬耕
顧已雖自許心迹猶未并無庸妨周任有疾像長卿
畢娶類尚子薄游似邴生恭承古人意促裝返柴荆
牽絲及元興解龜在景平負心二十載於今廢將迎

謝康樂集六卷三

十六

理棹端還期遵渚驚修坳逆溪終水涉登嶺始山行
野曠沙岸淨天高秋月明憇石挹飛泉攀林蹇落英
戰勝靡者肥鑑止流歸停卽是羲唐化獲我擊壤情
初發石首城

白珪尚可磨斯言易爲緇雖抱中孚爻猶勞貝錦詩
寸心若不亮微命察如絲日月垂光景成貸遂兼茲
出宿薄京畿晨裝搏曾颺重經平生別再與朋知辭
故山日已遠風波豈還時茗茗萬里帆茫茫終何之
遊當羅浮行息必廬霍期越海陵三山遊相歷九疑

欽聖若且暮懷賢亦僕其曠曠明發心不爲歲寒欺
道路憶山中

采菱調易急江南歌不緩楚人心昔絕越客腸今斷
斷絕雖殊念俱爲歸慮坎存鄉爾思積憶山我憤恚
追尋栖息時偃卧任縱誕得性非外求自巳爲誰算
不怨秋夕長常苦夏日短濯流激浮湍息陰倚密竿
懷故叵新歡含悲忘春暝悽悽明月吹惻惻廣陵散
殷勤訴危柱慷慨命促管

南樓中望所遲客

謝康樂集

卷三

十七

杳杳日西頽漫漫長路迫登樓爲誰思臨江遲來客
與我別所期期在三五夕圓景早已滿佳人猶未適
卽事怨睽攜感物方悽戚孟夏非長夜晦明如歲隔
搔攀未堪折蘭若已屢撻路阻莫贈問云何慰離析
搔首訪行人引領冀良覲

田南樹園激流植援

樵隱俱在山由來事不同不同非一事養病丘園中
中園屏氛雜清曠招遠風卜室倚北阜啟扉面南江
激澗代汲井插槿當列壠羣木旣羅戶衆山亦當窻

靡迤趨下田，迢遞瞰高峰。寡欲不期勞，卽事空入功。
唯聞蔣生徑，永懷求羊蹤。賞心不可忘，妙善冀能同。

齋中讀書

昔余遊京華，未嘗廢丘壑。矧乃歸山川，心跡雙寂寞。
虛館絕諍訟，空庭來鳥雀。卧病豐暇豫，翰墨時間作。
懷抱觀古今，寢食展戲謔。旣笑沮溺苦，又哂子雲閣。
執戟亦以疲，畊稼豈云樂。萬事難並歡，達生幸可託。
石門新營所住四面高山，迴溪石瀨，茂林修

竹

謝康樂集

卷三

十八

躋險築幽居，披雲卧石門。苔滑誰能步，葛弱豈可捫。
嫋嫋秋風過，萋萋春草繁。美人遊不還，佳期何由敦。
芳塵凝瑤席，清醕滯金罇。洞庭空波瀾，桂枝徒攀翻。
結念屬霄漢，孤景莫與諉。俯濯石下潭，仰看條上猿。
早聞夕飈急，晚見朝日暉。崕傾光難留，林深響易奔。
感往慮有復，理來情無存。庶持乘日車，得以慰營魂。
匪爲衆人說，冀與智者論。

命學士講書

卧病同淮陽，宰邑曠武城。弦歌媿言子，清淨謝伏生。

古人不可攀何以報恩榮時往歲易周聿來政無成
曾是展予心招學講羣經鑠金既云刃凝土亦能銅
望爾志尚隆遠嗣竹箭聲敢謂荀氏訓且布蘭陵情
待罪豈久期禮樂俟賢明

擬魏太子鄴中集詩

魏太子

建安末余時在鄴宮朝遊夕讌究歡愉之極天下
良辰美景賞心樂事四者難并今昆弟友朋二三
諸彥共盡之矣古來此娛書籍未見何者楚襄王

謝康樂集卷三

十九

時有宋王唐景梁孝王時有鄒枚巖馬遊者美矣
而其主不文漢武帝徐樂諸才備應對之能而雄
猜多忌豈獲晤言之適不誣方將庶必賢於今日
爾歲月如流零落將盡撰文懷人感往增愴其辭

曰

百川赴巨海衆星環北辰照灼爛霄漢遙裔起長津
天地中橫潰象王拯生民區宇旣滌蕩羣英必來臻
忝此欽賢性由來常懷仁况值衆君子傾心隆日新
論物靡浮說析理實敷陳羅縷豈闕辭窈窕究天人

浴觴滿金疊連榻設華茵急絃動飛聽清歌拂梁塵
何言相遇易此歡信可珍

王粲

家本秦川貴公子孫遭亂流寓自傷情多

幽厲昔崩亂桓靈今板蕩伊洛旣燎煙函峒沒無像
整裝辭秦川秣馬赴楚壤沮漳自可美客心非外獎
常歎詩人言式微何由往上宰奉皇靈侯伯咸宗長
雲騎亂漢南宛郢皆掃盪排霧屬盛明披雲對清朗
慶泰欲重疊公子特先賞不謂息肩願一旦值明兩
謝康樂集一卷三
二十
竝載遊鄴京方舟汎河廣綢繆清讌娛寂寥梁棟響
旣作長夜飲豈顧乘日養

陳琳

袁本初書記之士故述喪亂事多

皇漢逢屯適天下遭氛慝董氏淪關西袁家擁河北
單民易周章窘身就羈勒豈意事乖已永懷戀故國
相公實勤王信能定螽賊復覩東都輝重見漢朝則
餘生幸已多矧廼值明德愛客不告疲飲讌遺景刻
夜聽極星爛朝遊窮曠黑哀哇動梁埃急觴盪幽默

且盡一日娛莫知古來惑

徐幹

少無宦情有箕頰之心事故仕世多素辭

伊昔家臨淄提攜弄齊瑟置酒飲膠東淹留憇高第
此歡謂可終外物始難畢搖蕩箕濮情窮年迫憂深
末塗幸休明棲集建薄質已免負薪苦仍游椒蘭室
清論事究萬美話信非一行觴奏悲歌永夜繫白日
華屋非蓬居時髦寡余匹中飲顧昔心悵焉若有失

劉楨

謝康樂集

卷三

二十一

卓犖偏人而文最有氣所得頗經奇

貧居晏里閑少小長東平河充當衝要淪飄薄許京
廣川無逆流招納厠羣英北度初陽津南登紀郢城
既覽古今事頗識治亂情歡友相解達敷奏究平生
矧荷明哲顧知深覺命輕朝遊牛羊下暮坐括揭鳴
終歲非一日傳厄弄新聲辰事既難諧懼願如今并
唯羨肅肅翰續紛辰高冥

應瑒

汝頰之士流離世故頗有飄薄之嘆

嗷嗷雲中雁舉翮自委羽求涼弱水湄違寒長沙渚
顧我梁川時緩步集穎許一旦逢世難淪薄恒羈旅
天下昔未定託身早得所官渡厠一卒烏林預躑阻
晚節值衆賢會同庇天宇列坐蔭華棖金罇盈清醕
始奏延露曲繼以闌夕語調笑輒酬荅嘲詭無慙沮
傾軀無遺慮在心良已敘

阮瑀

管書記之任故有優渥之言

河洲多沙塵風悲黃雲起金羈相馳逐聯翩何窮已

謝康樂集

卷三

二十一

慶雲惠優渥微薄攀多士念昔渤海時南皮戲清泚
今復河曲遊鳴篴汎蘭汎躡步陵丹梯竝坐侍君子
妍譚旣愉心哀弄弄一作音信睦耳傾酤係芳醕酌言豈
終始自從食萍來唯見今日美

平原侯植

公子不及世事但美遨遊然頗有憂生之嗟

朝遊登鳳閣日暮集華沼傾柯引弱枝攀條摘蕙草
徙倚窮騁望目極盡所討西顧太行山北眺邯鄲道
平衢修且直白楊信裊裊副君命飲宴歡娛寫懷抱

良遊匪晝夜豈云晚與早衆賓悉精妙清辭麗蘭藻
哀音下迴鵠餘哇徹清昊中山不知醉飲息方覺飽
願以黃髮期養生念將老

白石巖下徑行田

小邑居易貧災年民無生知淺憫不周愛深憂在情
莓蕃橫海外蕪穢積頽齡饑饉不可久甘心務經營
千頃帶遠堤萬里瀉長汀州流洎澮合連統騰埒并
雖非楚宮化荒闕亦勃萌雖非鄭白渠每歲望東京
天鑿儻不孤來茲驗微誠

謝康樂集

卷三

二十三

過瞿溪山飯僧

迎旭凌絕磴暎泫歸叙浦鑽燧斷山木揜岸墮石戶
結架非丹甍籍田資宿莽同游息心客曖然若可睹
清霄颺浮煙空林響法鼓忘懷狎鷗鰒攝生馴兕虎
望嶺眷靈鷲延心念淨土若乘四等觀永拔三界苦

歲暮

殷憂不能寐苦此夜難積明月照積雪朔風勁且哀
運往不淹物年逝覺易催

彭城宮中直感歲暮

草草眷物徂契契矜歲殫楚豔起行咸吳趨絕歸懼
修帶緩舊裳素釐改朱顏晚暮悲獨坐鳴趨歇喜蘭

詠冬

七宿乘運曜三星與時滅履霜冰彌堅積寒風愈切
繁雲起重陰迴飈流輕雪園林粲斐皓庭除秀皎潔
墀瑣有凝汗達衢無通轍

三月三日侍宴西池

四言

詳觀記牒鴻荒莫傳降及雲鳥曰聖則天虞承唐命
周襲商艱江之永矣皇心惟眷矧迺暮春時物芳衍
濫觴逶迤周流蘭殿禮備朝容樂闋夕宴

謝康樂集

卷三

二十四

七夕詠牛女

火逝首秋節明經弦月夕月弦光照戶秋首風入隙
陵風步曾岑憑雲肆遙脈徙倚西北庭竦踴東南覲
紈綺無報章河漢有駁輓

登廬山絕頂望諸嶠

積峽忽復啓平塗俄已閉巒隴有合沓往來無蹤轍
晝夜綬日月冬夏共霜雪

石門巖上宿

詩紀作夜宿石門

朝攀苑中蘭畏彼霜下歇
暝還雲際宿弄此石上月
鳥鳴識夜棲木落知秋發
異音同致聽殊響俱清越
妙物莫爲賞芳醕誰與伐
美人竟不來陽阿徒晞髮

入東道路

整駕辭金門命旅惟詰朝
懷居顧歸雲指塗沂行飈
屬值清明節榮華感和韶
陵隰繁綠杞墟囿粲紅桃
嗚嗚暈方雒織織麥垂苗
隱軫邑里密緬邈江海遼
滿目皆古事心賞貴所高
曾連謝千金延州權去朝
行路旣經見願言寄吟謔

謝康樂集

卷三

二十五

夜發石關亭

隨山踰千里浮溪將十夕
鳥歸息舟楫星闌命行役
亭亭曉月映冷冷朝露滴

初發入南城

弄波不輟手玩景豈停目
雖未登雲峰且以歡水宿

郡東山望溟海

開春獻初歲日日出悠悠
蕩志將愉樂瞰海庶忘憂
榮馬步蘭臯控鞞息椒丘
採蕙遵大薄蹇若履長洲
白華縞陽林紫籟騰春流
非徒不弭忘覽物情彌道

護蘇始無畏寂寞終可求

初往新安至桐廬口

絺綌雖海其授衣尚未至感節良已深懷古徒役思
不有千里棹孰申百代意遠協尚子心遙得許生計
既及冷風戀又卽秋水駛江山共閒曠雲日相照媚
景夕羣物清對玩咸可喜

離合詩

古人怨信次十日眇未央加我懷纏繆口詠情亦傷
劇哉歸遊客處子勿相忘

謝康樂集

卷三

二六

石壁立招提精舍

四城有頓蹟三世無極已汗歡昧眼前沈照貫終始
壯齡緩前期頽季迫暮齒揮霍夢幻頃飄忽風電起
良緣迫未謝昔逝不可俟敬擬靈鷲山尚想祇洹軌
絕溜飛庭前高林映牕裏禪室栖空觀講宇析妙理

種桑

詘人陳條柯亦有美攘剔前修爲誰故後事資紡績
常佩智方誠媿微富教益浮陽鶩嘉月藝桑迫閒隙
疎欄傍近郭長行達廣場曠流始苾泉涵塗猶跬跡

俾此將長成慰我海外役

淨土詠

法藏長王宮懷道出國城願言四十八弘誓拯羣生
淨土一何妙來者皆菁英頽言安可寄乘化必晨征

登永嘉綠嶂山

裹糧杖輕屨懷遲上幽室行源徑轉遠距陸情未畢
澹澹結寒姿團藥潤霜質澗委水屢迷林迴巖逾密
眷西謂初月顧東疑落日殘夕奄昏曙蔽翳皆周悉
蠱上貴不事履二美貞吉幽人常坦步高尚邈難匹

謝康樂集

卷三

二十七

願阿竟何端寂寂寄抱一恬如既已交繕性自此出

遊嶺門山

西京誰修政龔汲稱良吏君子豈定所清塵慮不嗣
早莅建德鄉民懷虞芮意海岸常寥寥空館盈清思
協以上冬月晨遊肆所喜千圻邈不同萬嶺狀皆異
威摧三山峭滄汨兩江駛漁舟豈安流樵拾謝西芘
人生誰云樂貴不屈所志

石室山

清且索幽異放舟越坳郊萋萋蘭者急藐藐苔頽高

石室冠林陔飛泉發山椒虛泛徑千載崢嶸非一壑
鄉邨絕聞見樵蘇限風霄微戎無遠覽總筭羨升喬
靈域久韜隱如與心賞交合歡不容言摘芳弄寒條
登上戍石鼓山

旅人心長久憂憂自相接故鄉路遙遠川陸不可涉
汨汨莫與娛發春托登躡歡願既無竝戚慮庶有協
極目睠左濶迴顧睞右狹日沒澗增波雲生嶺逾疊
白芷競新茗綠蘋齊初葉摘芳芳靡諼愉樂樂不變
佳期緬無像騁望誰云愜

謝康樂集

卷三

二十八

發歸瀨三瀑布望兩溪

我行乘日垂放舟候月圓沫江免風濤涉清弄漪連
積石竦兩溪飛泉倒三山亦既窮登陟荒靄橫目前
窺巖不覩景披林豈見天陽鳥尚傾翰幽管未爲遭
退尋平常時安知巢穴難風雨非攸恡擁志誰與宣
倘有同枝條此日卽千年

過白岸亭

拂衣遵沙垣緩步入蓬屋近澗涓密石遠山映疎木
空翠難強名漁釣易爲曲援蘿聆青崖春心自相屬

交止柳黃啣啣食萍鹿傷彼人百哀嘉爾承筐樂
榮悴送去來窮通成休感未若長踈散萬事恒抱朴
行田登海口盤嶼山

羈苦孰云慰觀海藉朝風莫辨洪波極誰知大壑東
依稀採菱歌彷彿含嚙容遨遊碧沙渚遊行丹山峯

荅謝惠連

懷人行千里我勞盈十旬別時花灼灼別後葉萋萋
東陽溪中贈荅

可憐誰家婦綠流洒古洗字素足明月在雲間迢迢不

謝康樂集卷三

二十九

可得可憐誰家郎綠流乘素舸但問情若何月就雲
中墮

臨川被收

韓亡子房奮秦帝魯連耻本自江海人忠義感君子

臨終詩

皞勝無遺生季業有窮盡嵇喪理既迫霍子命亦殞
悽悽陵霜柏網網衝風菌邂逅竟無時修短非所愍
恨我君子志不得嚴上泯送心正覺前斯痛久已忍
唯願乘來生怨親同心朕

謝康樂
大林峯

見天
池集

積峽忽有起平途俄已絕巒龍有合沓往來無蹤轍

表

謝封康樂侯表

昔強氏篡虐恃僭曆紀既隆五都志吞六合遂陷沒
西河傾覆南漢凌藉紀鄧跨越淮泗于時策盡惟疑

謝康樂集

卷三

三十

臨川被收

韓亡子房奮秦帝魯連耻本自江海人忠義感君子

臨終詩

解勝無遺生季業有窮盡嵇曼理既迫霍子命亦殞

愜悽陵霜柏網網衝風南遊近竟無時修短非所慮

蘇勉爲首跋平錢相已蘇濟讀亦合沓卦來無蹤轍

唯願乘大林峯

並書
具天

心朕

謝康樂集卷第四

宋 陳郡謝靈運著

明 秣陵焦 竑校

表

謝封康樂侯表

昔強氏暴虐恃僭曆紀既噬五都志吞六合遂陷沒
西河傾覆南漢凌藉紀郢跨越淮泗于時策盡惟疑
地險已謝成患君臣同泯有生無餘亡祖奉國威靈
董符戎重盡心所事尅黜禍亂功參盤鼎昨土南服
謝康樂集卷四

逮至臣身值遭泰路日月改暉榮落代運輸稅唐化
生幸無已不悟天道下濟鴻均曲成迺眷遐績式是
興微分虎鈿龜復顯茅土鳴玉拖紱班景元勛澤洽
往德恩覃來胤永惟先蹤遠感崩結豈臣尪弱所當
忝承臣聞至公無私甄善則一皇恩遠被殘代可侔
是以信陵之賢簡在高祖之心望諸之道復獲隆漢
之封觀史歎古欽茲盛美豈謂榮渥近霑微躬傾宗
殞元心識其會酌恩答厚商知所由

詣闕上表

臣自抱疾歸山于今三載居非郊部事乖人間幽棲窮巖外綠兩絕守分養命庶異餘年忽以去月二十八日得會稽太守臣顛二十七日疏云比日異論噂噉此雖相了百姓不許寂默今微爲其防披疏駭惋不鮮所由便星言奔馳歸骨陛下及經山陰防衛彰赫彭排馬槍斷截衢巷偵邏縱橫戈甲竟道不知微臣罪爲何事及見嶺雖曰見亮而裝防如此唯有罔懼臣昔忝近侍豫蒙天恩若其罪迹炳明文字有證非但顯戮司敗以正國典普天之下自無容身之地

謝康樂集

卷四

二

今虛聲爲罪何酷如之夫自古讒謗聖賢不免然致謗之來要有由趣或輕死重氣結黨聚羣或勇冠鄉邦劍客馳逐未聞俎豆之學欲爲逆節之臯山樓之士而構陵上之疊今影迹無端假謗空設終古之酷未之或有匪忝其生實悲其痛誠復內省不疚而抱理莫申是以牽曳疾病束駭歸欵仰憑陛下天鑒曲臨則死之日猶生之年也臣憂怖彌日羸疾發動尸存恍惚不知所陳

論

辨宗論

同遊諸道人並業心神道求解言外余枕疾務寡頗多暇日聊伸由來之意庶定求宗之悟釋氏之論聖道雖遠積學能至累盡墜生不應漸悟孔氏之論聖道既妙雖顏殆庶體無鑒周理歸一極有新論道士以爲寂鑒微妙不容階級積學無限何爲自絕今去釋氏之漸悟而取其能至去孔氏之殆庶而取其一極一極異漸悟能至非殆庶故理之所去雖合各取然其離孔釋矣余謂二談救物之言道家之唱得意謝康叢集一卷四

三

之說敢以折中自許竊謂新論爲然聊荅下意遲有所悟

法最問敬覽清論明宗極雖微而一悟頓了雖欣新剖竊有所疑夫明達者以體理絕欲悠悠者以迷惑嬰累絕欲本乎見理嬰累由於乖宗何以言之經云新學者離般若便如失明者無導是爲懷理蕩患於茲顯矣若涉求未漸於大宗希仰猶累於塵垢則求劫劬勞期果緬邈既懷猶豫伏遲嘉訓初荅道與俗反理不相關故因權以通之權雖是假旨在非假智

雖是真能爲非真非真不傷真本在於濟物非假不
遂假濟物則反本如此之劫無爲空勤期果有如皎
日
最再問案論孔釋其道旣同救物之假亦不容異而
神道之域雖頗也孔子所不晦實相之妙雖愚也釋
氏所必教然則二聖建言何乖背之甚哉再荅二教
不同者隨方應物所化地異也大而校之華民易於
見理難於受教故閉其累學而開其一極夷人易於
受教難於見理故閉其頓了而開其漸悟漸悟雖可
謝康樂集卷四
四

至昧頓了之實一極雖知寄絕累學之冀良由華人
悟理無漸而誣道無學夷人悟理有學而誣道有漸
是故權實雖同其用各異昔向子期以儒道爲壹應
吉甫謂孔老可齊皆欲窺宗而况真實者乎

最三問重尋荅以華夷有險易之性故二聖敷異同
之教重方附俗可謂美矣然淵極朗鑒作則於上愚
民蒙昧伏從於下故作則宜審其政伏從必是其宗
今孔廢聖學之路而釋開漸悟之逕筌蹄旣已紛錯
羣黎何由歸真三荅冬夏異性資春秋爲始末晝夜

殊用緣辰暮以往復况至精之理豈可逕接至粗之人是故傍漸悟者所以密造頓解倚孔教者所以潛成學聖學聖不出六經六經而得頓解不見三藏而

以三藏果空蹄歷然何疑紛錯魚兔既獲羣黎

以濟

僧維問承新論法師以宗極微妙不容階級使夫學者窮有之極自然之無有若符契何須言無也若資無以盡有者焉得不謂之漸悟耶初荅夫累既未盡無不可得盡累之弊始可得無耳累盡則無誠如符契將除其累要須傍教在有之時學而非悟悟在有

謝康樂集卷四

五

表託學以至但階級教愚之談一悟得意之論矣

維再問論云悟在有表得不以漸使夫涉學希宗當日進其明不若使明不日進與不言同若日進其明者得非漸悟乎再荅夫明非漸至信由教發何以言之由教而信則有日進之功非漸所明則無入照之分然向道善心起損累出垢伏伏似無同善似惡乖此所務不俱非心本無累至夫一悟萬滯同盡耳

維三問荅云由教而信則有日進之功非漸所明則無入照之分夫尊教而推宗者雖不永用當推之時

豈可不覈令無耶若許其覈合猶自賢於不合非漸如何三答覈者假也真者常也假知無常常知無假今豈可以假知之覈而侵常知之真哉今覈合賢於不合誠如來言竊有微證巫臣諫莊王之言物賒於已故理爲情先及納夏姬之時已交於物故情居理上情理雲互物已相傾亦中智之率任也若以諫日爲悟豈容納時之惑耶且南爲聖也北爲愚也背北向南非背北之謂向南背北非至南之稱然向南可以至南背北非是背北非是背北故愚可去矣可以

謝康樂集

卷四

六

慧麟演僧維問當假知之壹合與真知同異初答與真知異

麟再問以何爲異再答假知者累伏故理暫爲用用暫在理不恒其知真知者照寂故理常爲用用常在理故永爲真知

麟三問累不自除故求理以除累今假知之一合理實在心在心而累不去將何以去之乎三答累起因心心觸成累累恒觸者心日昏教爲用者心日伏伏

累彌久至於滅累然滅之皆在累伏之後也伏累滅累貌同實異不可不察滅累之體物我同忘有無壹觀伏累之狀他已異情空實殊見殊實空異已他者入於滯矣壹無有同我物者出於照也

麟維問三世長於百年三千廣於赤縣四部多於戶口七寶妙於石沙此亦方有小大故化有遠近得不謂之然乎初荅事理不同恒成四端自有小大各得其宜亦有賢愚遠方而處所謂世同時異物是人非譬割雞之政亦有牛刀佩璽而聽豈皆唐虞今謂言謝康樂集卷四

七

游體盡於武城長世皆置於天下未之聞也且俱稱妙覺而國土精粗不可以精粗國土而言聖有優劣景迹之應本非所徵矣

維再問論曰或道廣而事狹或事是而人非今不可以事之大小而格道之粗妙誠哉斯言但所疑不在此耳設令周孔實未盡極以之應世故自居宗此自是世去聖遠未足明極夫降妙數階以接羣粗則粗者所不惻然數階之妙非極妙之謂推此而言撫世者於粗爲妙然於妙猶粗矣以妙求粗則無往不盡

以卷八首而坐觀於無斧營營學堂驗其之傾也其
其源故仰之彌高矣夫由而登巖谷向於而跌若若
耶再答今不藉顏所推而謂之為宗曾無是謂也
則孔知機矣且許禹昌言孔非本談以堯則天體無
是同同體至極豈計有之小大耶

維三問凡世人所不測而又昌言者皆可以為聖耶
三答夫昌言賢者尚許其賢昌言聖者豈得反非聖
耶日用不知百姓之迷蒙唯佛究盡實相之崇高今
欲以崇高之相而今迷蒙所知未之有也苟所不知
焉得不以昌言為信既以釋昌為是何以孔昌為非
耶

謝康樂集卷四

八

竺法綱問敬披高論探研宗極妙判權實存旨儒道
遺教孔釋昌言折中允然新論可謂激流導源瑩拂
發暉矣詳復答最維之問或謂因權以通或學而非
悟爾為玄句徒設無關於胸情焉竊所未安何以言
之夫道形天隔幾二險絕學不漸宗曾無髮鬣馳騁
有端思不出位神崖曷由而登機鋒何從而超哉若
勤務於有而坐體於無者譬猶揮毫鍾張之則功侔

弄養之能不然明矣蓋同有非甚礙尚不可以說此而善彼豈况乎有無之至背而又得以相通者耶又云累既未盡無不可得盡累之弊始可得無耳

問曰夫膏盲大道摧斬玄路莫尚於封有之累也蓋有不能祛有祛有者必無未有先盡有累然後得無也就如所言累盡則無爾爲累之自去實不無待實不無待則不能不無故無無貴矣如彼重闇自晞無假火日無假火日則不能不設亦明無尚焉落等級而奇頓悟將於是乎躡矣假任之餘幸思嘉釋

謝康樂集卷四

九

釋慧琳問三復精議辨愷二家斟酌儒道實有懷於論矣至於去釋漸悟遺孔殆庶蒙竊惑焉釋云有漸故是自形者有漸孔之無漸亦是自道者無漸何以知其然耶中人可以語上久習可以移性孔氏之訓也一合於道場非十地之所階釋家之唱也如此漸絕文論二聖詳言豈獨夷東於教華拘於理將恐斥離之辨辭長於新論乎

最道人難曰絕欲由於體理當謂日損者以理自悟也論曰道與俗反本不相關故因權以通之物濟則

反本

問曰權之所假習心者亦終以爲慮乎爲曉悟之日
與經之空理都自反耶若具承背空談翻爲未說若
始終相扶可循教而至下荅維麟假知中殊爲藻艷
但與立論有違假者以旋迷喪理不以鑽入致惑苟
南向可以造越北背可以棄燕信燕北越南矣慮空
可以洗心指有可以祛累亦有愚而空聖矣如此但
當勤般若以日忘瞻郢路而驟進復何憂於失所乎
將恐一悟之唱更躋於南北之譬耶

謝康樂集卷四

十

荅綱琳二法師

披覽雙難欣若暫對藻豐論博蔚然滿目可謂勝人
之口然未厭於心聊伸前意無由言對執筆長懷謝
靈運和南

荅綱公難

來難云同有非甚閱尚不可以說此而善彼豈况乎
有無之至背而反得以相通者耶此是拘於所習以
生此疑耳夫專翫筆札者自可不工於弧矢弧矢旣
工復翫筆札者何爲不兼哉若封有而不向宗自是

封者之失造無而去滯何爲不可得皆借不兼之有以詰能無之無非惟鍾胡愧射於更李昇養暫書於羅趙觸類之躋始克巧歷之歎今請循其本夫憑無以伏有伏久則有忘伏時不能知知則不復辨是以坐忘日損之談近出老莊數緣而滅經有舊說此豈累之自去實無之所濟且明爲晦新功在火日但火日不稱功於幽闇般若不言惠於愚蠢耳推此而往詎俟多云

荅琳公難

謝康樂集卷四

十一

孔雖曰語上而云聖無階級釋雖曰一合而云物有佛性物有佛性其道有歸所擬者漸教聖無階級其理可貴所疑者殆庶豈二聖異塗將地使之然斥離之歎始是有在辭長之論無乃角弓耶

難云若其未肯空談翻與未說若始終相扶可循教而至可謂公孫之辭辯者之囿矣夫智爲權本權爲智用今取聖之意則智卽經之辭則權傍權以爲檢故三乘咸蹄筌旣意以歸宗故般若爲魚兔良由民多愚也教故遷矣若人皆得意亦何貴於攝悟假知

之論自明在有者能爲達理之諫是爲交賒相傾非
悟道之謂與其立論有何相違燕北越南有愚空聖
其理既當頗獲於心矣若勤者日忘瞻者驟進亦實
如來言但勤未是得瞻未是至當其此時可謂向宗
既得既至可謂一悟將無同轡來馳而云異轍耶

王衛軍問

論曰由教而信有日進之功非漸所明無入照之
分問曰由教而信而無入照之分則是闇信聖人
若闇信聖人理不關心政可無非聖之尤何由有

謝康樂集卷四

十二

日進之功

論曰暫者假也真者常也假知無常常知無假又
曰假知累伏理暫爲用用暫在理不恒其知問曰
暫知爲假知者則非不知矣但見理尚淺未能常
用耳雖不得與真知等照然寧無入照之分耶若
暫知未是見理豈得云理暫爲用者又不知以何
稱知

論曰教爲用者心口伏伏累彌久至於滅累問曰
教爲田而累伏爲云何伏耶若都未見理專心闇

信當其專心唯信而已謂此為累伏者此是慮不能並屬此則彼廢耳非為理累相推能使累伏也凡厥心數孰不皆然如此之伏根本未異一倚一伏循環無已雖復彌久累何由滅

一悟之談常謂有心但未以折中異同之辨故難於厝言耳尋覽來論所釋良多然猶有未好解處試條如上為呼可容此疑不旣欲使彼我意盡覽者冷然後對無兆無當造膝執筆增懷真不可言王弘敬謂

謝康樂集卷四

十三

荅王衛軍問

問由教而信云荅曰顏子體二未及於照則向善已上莫非闇信但教有可由之理我有求理之志故曰關心賜以之二回以之十豈直免尤而已實有日進之功

問暫知云荅曰不知而稱知者正以假知得名耳

假者為名非暫知如何不恒其用豈常之謂旣非常用所以交賒相傾故諫人則言政理悅已則犯所知皆以諫時為照豈有悅時之犯故知言理者浮談犯

知者沉惑推此而判自聖已下無淺深之照然中人
之性有崇替之心矣

問教爲用而累伏

云

答曰累伏者屬此則廢彼實

如來教凡厥心數孰不皆然亦如來旨更恨不就學
人設言而以恒物爲譏耳譬如藥驗者疾易痊理妙
者吝可洗洗吝豈復循環疾痊安能起滅則事不侔
居然已辨但無漏之功故資世俗之善善心雖在五
品之數能出三界之外矣乎叔所謂冬日之陰輔嗣
亦云遠不必携聊借此語以况入無果無阻隔

謝康樂集

卷四

十四

靈運白一悟理質以經誥可謂俗文之談然晝不盡
意亦前世格言幽僻無事聊與同行道人共求其衷
猥辱高難詞微理析莫不精究尋覽彌日欣若暫對
輒復更伸前論雖不辨酬釋來問且以示懷耳海嶠
岵迥披叙無期臨白增懷眷歎良深謝靈運再拜

書

勸伐河北書

自中原喪亂百有餘年流離寇戎湮沒殊類先帝聰
明神武哀濟羣生將欲盪定趙魏大同文軌使久凋

反於正化偏俗歸於華風運謝事乖理違願絕仰德
抱悲恨存生盡况陵塋未幾凶虜伺隙預在有識誰
不憤歎而景平執事竝非其才且違紛京師豈慮託
付遂使孤城窮陷莫肯拯忠烈囚朔漠繇河三千翻
爲寇有晚遣鎮戍皆先朝之所開拓一旦淪亡此國
耻宜雪被於近事者也又北境自染逆虜窮苦備罹
徵調賦歛靡有止已所求不獲輒致誅殞身禍家破
闔門比屋此亦仁者所謂傷心者也感云西虜舍未
遠師隴外東虜乘虛呼可掩襲西軍旣反得據關中

謝康樂集卷四

十五

長圍咸陽還路已絕雖遣救援停住河東遂乃遠計
天城欲爲首尾而西寇深山重阻根本自固徒棄巢
窟未足相拯師老於外國虛於內時來之會莫復過
此觀兵耀威實在茲日若相持未已或生事變忽值
新起之衆則異於今苟乖其時難爲經略雖兵食倍
多則萬全無必矣又歷觀前代類以兼弱爲本古今
聖德未之或殊豈不以天時人事理數相得興亡之
度定期居然故古人云旣見天殃又見人災乃可以
謀昔魏氏之疆平定荆冀乃乘袁劉之弱晉氏之盛

拓開吳蜀亦因葛陸之衰此皆前世成事着於史策者也自羗平之後天下亦謂虜當俱滅長驅滑臺席卷下城奪氣喪魄指日就盡但長安違律潼關失守用緩天誅假延歲月日來至今十有二載是謂一紀曩有前言況五胡代數齊世虜期餘命盡於來年自相攻伐兩取其困卞莊之形驗之今役仰望聖澤有若飢渴注心南雲爲日已久來蘇之冀實歸聖明此而弗乘後則未兆卽日府藏誠無兼儲然凡造大事待國富兵強不必乘會於我爲易責在得時器械旣

充衆力粗足方於前後乃當有優常議損益久證冀州口數百萬有餘田賦之沃着自貢典先才經創基趾猶存澄流引源桑麻蔽野疆富之實昭然可知爲國長久之計孰若一往之費邪或懲關西之敗而謂河北難守二境形勢表裏不同關西雜居種類不一昔在前漢屯軍霸上通火甘泉况乃遠戍之軍值新故交代之際者乎河北悉是舊戶差無雜人連嶺判阻三關作隘若遊騎長驅則沙漠風靡若嚴兵守塞則冀方山固昔隴西傷破鼂錯興言匈奴慢侮賈誼

憤歎方於今日皆為賒矣晉武中主耳值孫皓虐亂
天祚其德亦由鉅平奉策苟賈折謀故能業崇當年
區宇一統况今陛下聰明聖哲天下歸仁文德與武
功並震霜威共素風俱舉協以宰輔賢明諸王美令
岳牧宣烈虎臣盈朝而天威遠命亦何敵不滅矧伊
頑虜假日而已哉伏惟深機志務久定神謨臣卑賤
側陋竄景巖穴實仰希太平之道傾覩岱宗之封雖
乏相如之筆庶免史談之憤以此謝病京師萬無恨
矣久欲上陳懼在觸置蒙賜恩假暫違禁省消渴十
年常慮朝露抱此愚志味死以聞

謝康樂集卷四

十七

荅范特進二首

辱告慰企晚寒體中勝常靈運脚諸疾此春更甚憂
慮故人有情信如來告企詠之結實過飢渴山澗幽
阻音塵闊絕忽見諸讚歎慰良多可謂俗外之詠尋
覽三復味翫增懷輒奉和如別雖詞不足睹然意寄
盡此從弟惠連後進文悟衰宗之美亦有一首并以

遠呈

又

承祗洄法業日茂隨喜何極六梁微緣竊望不絕卽
時經始招提在所住山南南檐臨澗北戶背巖以此
息心當無所忝邪平生緬然臨紙累歎敬惜爲先繼
以音告倘值行李輒復承問三月一日謝靈運白

荅綱琳二法師

披覽隻難欣若暫對藻豐論博蔚然滿目可謂勝人
之口然未厭於心聊伸前意無由言對執筆長懷

與廬陵王義真

會稽旣豐山水是以江左嘉趣並多居之但季世慕

謝康樂集卷四

十八

榮幽栖者寡或後才爲時求弗獲從志至若王弘之
拂衣歸耕踰歷三紀孔淳之隱約窮岫自始迄今阮
萬齡辭事就閒纂成先業浙河之外栖遲山澤如斯
而已旣遠同義唐亦激貪厲競殿下愛素好古常若
布衣每意昔聞虛想巖穴若遣一介有以相存真可
謂千載盛美也

與弟二首

聞惡道谿中九十九里有五十九灘王右軍遊此惡
道歎其奇絕遂書突呈瀨於石

又

前月十二日至永嘉郡蠓不如鄞縣車螯亦不如北海

志

遊名山志

夫衣食生之所資山水性之所適今滯所資之累擁其所適之性耳俗議多云歡足本在華堂枕崑漱流者乏於大志故保其枯槁余謂不然君子有愛物之情有救物之能橫流之弊非才不治故有屈己以濟

謝康樂集

卷四

十九

彼豈以名利之場賢於清曠之域耶語萬乘則崑湖有縱轡論儲貳則嵩山有絕控又陶朱高揖越相留侯願辭漢傳推此而言可以明矣 破石溪南二百餘里又有石帆修廣與破石等度質色亦同傳云古有人以破石之半爲石帆故名彼爲石帆此名破石 永寧安國二縣中路東南便是赤石又枕海巫湖

三面悉高山枕水渚山溪澗凡有五處南第一谷今在所謂石壁精舍 石門澗六處石門澗水上入兩山口兩邊石壁右邊石巖下臨澗水 神子溪南山

與七里山分流去斤竹澗數里 華子岡麻山第三
谷故老相傳華子期者祿里先生弟子翔集此頂故
華子爲稱也 桂林頂遠則曠尖疆中 從臨江樓
步路南上二里餘左望湖中右傍長江 始寧又北
轉一汀十里直指舍下園南門樓自南樓百步許對
橫山

贊

佛贊

范光祿命作

謝康樂集卷四

二十

精粗事阻始末理通捨事就理卽朗祛蒙惟此靈覺
因心則崇四等極物六度在躬明發儲寢孰是化初
夕滅雙樹豈還本無眇眇遠神遙遙安如願言來期
免茲淪滑

和范特進祗洹像贊

范侯遠送像贊命余同作神道希微願言所屬輒總
三首期之道場

佛贊

惟大覺因心則靈垢盡智照數極慧明三達非我

一援群生理阻心行道絕形聲

菩薩贊

若人仰宗發性遺慮以定至矣慧和理斯附爰初四等
終然十住涉求至矣在外比日去

緣覺聲聞合贊

厭昔情多兼物志少如彼化城權可得實誘以涅槃
救爾生老肇元三車翻乘一道

王子晉贊

淑質非不麗難以之百年儲宮非不貴豈若登雲天

謝康樂集

卷四

二十一

王子愛清淨區中寔踴藟冀見浮丘公與爾共續翻

衡山巖下見一老翁四五少年贊

衡山採藥人路迷糧亦絕過息巖下坐正見相對說
一老四五少仙隱不可別其書非世教其心必賢哲

維摩經十壁贊

聚沫泡合

水性本無泡激流遂聚沫卽異成狀貌消散歸虛聲
君子識根本安事勞與奪愚俗駭變化橫復生欣怛

破

性內相表狀非炎安知火新新相推移熒熒非同我
如何滯著人終歲迷因果

芭蕉

生分本多端芭蕉知不一含萼不結核敷華何由實
至人善取譬無宰誰能律莫昵緣合時當視分散日

聚幻

幻工作同異誰復謂非真一從逝物過既往亦何陳
謬者疑久近達者皆自實勿起離合情會無百代人

夢

謝康樂集

卷四

二十一

覺謂寢無知寐中非無見意狀盈眼前好惡迭一作迷

萬變既晤眇已往惜爲浮物戀孰視婆娑盡寧當非

赤縣

影響合

影響順形聲資物故生理一旦揮霍去何因相像一作

得似羣有靡不然昧漠乎自己四色尚無本八微欲

安恃

浮雲

泛濫明月陰蒼蔚南山雨能爲變動用在我竟無取

俄已就飛散豈復得攢聚諸法旣無我何由有所
電

倏爍驚電過可見不可逐恒物生滅後誰復覈遲速
慎勿空留念橫使神理忽發已道易孚忘情長之福
侍汎舟贊

汎鷁兮遊蘭池渚相委兮石參差日隱雲兮月照林
風遼冷兮水漣漪

誄

宋武帝誄

謝康樂集

卷四

二十三

九有同悲四海等哀矧伊下臣思戀徘徊敢遵前典
式述聖徽乃作誄曰

舜潛歷巖高晦泗渚龍息而隱風積乃舉皇之遁世
屯難方阻眷此區寰閔爾淪胥太平之季權戚攜薄
隆安之初主相蒙弱嶽牧糾虔朝廷紛錯妖橫乘隙
蛟噴鯨躍旣擾輿區逐斥帝塵亂離斯瘼不後不先
寔賴明哲授手康旃紀度迴薄餘分成閏舊晉中微

楚籍纍躡彼潛機整此英陣推亡必朽固存斯振
循負險肆慝遐嶺殄我江豫迫我臺省民旣搖蕩

國將遷鼎乘騶歸轅式固皇境弘危濟險弭難釋殆
虎騎騫隰升師漲海傾穴尋窠窮幽測昧昔去洛汭
息肩江汜世變十君年踰百祀國絕興復家成桑梓
荒默莫恤頽國誰耻夏典載禹九道是行商誥述湯
兼攻是并勤彼周流協此經營仗鉞伐鼓赫赫明明
乃救衆師竟執戎昭誨以三畧惠以六韜雲撤周京
席卷秦郊復禮前坐雪愧舊朝旣清西關將旋東道
中憇徐豫兼應燕趙業盛曩代惠侔大造澤及四海
功格八表悠悠聲教縣縣川陸北獻羶裘南貢金竹

謝康樂集

卷四

二四

鬢首冠弁穿胸斂服寒充欣日巢栖玩屋匪惟遐譚
靈物偕就詎是人事自天所祐甘露芝草祥雲瑞宿
嘉禾連木素鳥皓獸昔之所感謳頌同音今之所應
幽顯一心宋克虞德晉猶唐欽曰總八絃于茲三齡
四維開張九流昭明敦儉務素欽賢愛萌制規作訓
闡校修經禮樂已甄雲雨未弘將陟井陘薄掃白登
北朔渴望飛旌衡輞東岱靈遲玉牒金滕天地不仁
蒼生寡福已荷一遇棄我何速梁顛太頽甘頽以贖
軌畢至率土咸哀殊方均服樂樂素纒灑泆成雨

響叫如雷史臣考卜高山開基貝龜無遠遷靈有期
享皇擬標臺后崩悲孰云不戚痛百在茲惟祖之夕
流火始變秋月未永飛漏急箭鳴簫哀噉金觴虛奠
列駕長隧發輦華殿華殿旣謝長隧是幸雙蓋躊躕
六閑引領攀援容貌眷戀俄頃哀哀百僚長辭含鯁
奉教百朝執鞭王始從履五牧年歷十祀天光下濟
謬蒙眷齒愧微刀筆頗預遊止垂幕侍講接筵餐理
修曙朝夕登臺泛沼匪月匪日無晏無早如何一旦
緬邈穹昊微容未遠聖靈超然收淚卽路含戚何言
謝康樂集 卷四 二十五

風霜蕭瑟山海蒼茫地苦情矜節速心傷孰是幽哀
實戀我皇情思如環葢蘇豈忘

宋廬陵王誄

事非淮南而痛深於中霧迹非任城而暴甚於仰毒
託體皇極銜怨至盡豈惟有識傷慨故亦率土悽心
蓋出罔已之悲以陳酸切之事云爾誄曰

哀哀君王終仁且德在枉無言卽粵有默曾是忍虐
古來一酷身微咎累痛踰酖毒何斯禍斯乃怨乃辱
命如可延人百其贖矜急景之難留悼驚波之易淪

自君王之冥漠歷彌稔於此普聆鳴禽之響谷視喬木之
雲咸感節而興悅獨懷悲而莫申候射隼于高墉赫王典以正刑服二辜于北狩致九伐于南荆發酸痛于仁詔令寵贈于哀心布悽楚于帝言攄綢繆于皇音

曇隆法師誄

夫協理置論百家未見其是因心自了一已不患其躡而終莫相辨我若咸歎翻淪得拔竟知于誰冀行跡立則善惡靡徵欲聲名傳則薰猶同歇然意非身

謝康樂集

卷四

二十六

之所挫期出命之所限者目所親覲見之若人矣慧心朗識發于髫髻生自稟華家贏金帛加以巧乘騎解絲竹秣絕景于康衢弄絃管於華肆者非徒經旬涉朔彌歷年稔而已諒趙李之咸陽程鄭之臨邛矣既而永夜獸悟中飲興歎曰悲夫欣厭迭來終歸憂苦不杜其根於何超絕且三界迴沈諸天倏瞬况齊景牛山趙武企陰催促節物逼迫霜露推此願言伊何能久慨然有擯落榮華兼濟物我之志母氏矜其心姊弟申其操遂相許諾出家求道一身既然闔門

離世妻子長絕歡娛永謝豈唯向之靡樂判之感年
終古恩愛於今化別矣旅舟南邁投景廬嶽一登石
門香鑪峯六年不下嶺僧衆不堪其操法師不改其
節援物之念不以幽居自抗同學嬰疾振錫萬里相
救余時謝病東山承風遙羨豈望人期頗以山招法
師至止鄙人榮役前詩敘粗已記之故不重煩及中
間反山成說款盡遂獲接棟重崖俱浥廻澗茹芝朮
而共餌披法言而同卷者再歷寒暑非直山陽靡喜
愠之容令尹一進已之色實明悟幽微祛滌近滯蕩

謝康樂集

卷四

二十七

咨澡垢日忘其疾庶白首同居而乖離無象信順莫
歸徵集何緣晚節罹疊遠見參尋至止阻闊音塵殆
絕值暑邁疾未旬卽化誠存亡命也此行頗實有由
承凶感痛寔百常情紙墨幾時非以斯名蓋欽志節
追感平生自不能默已故投懷援筆其辭曰

仰尋形識俯探理類採聲知律拔茅觀彙物以靈異
人以智貴卽是神明觀鑒意謂爰初在稚慧心夙察
吐喻芳華懷抱日月如彼蘭苑風過氣越如彼天倪
雲被光發求名約身規操束已儻或遇世曾未近似

生以意泰意管生理勃見以慰程鄭趙李家畜金福
才練藝技驥首揮霍繁絃綺靡酒媿調促意妍服後
朝迫景曛夕忌星徙悠悠白日淒淒良夜年往歡流
厭來情舍苦樂環迴終卒代謝棄而更適生速名借
誰能易奪何術推移精粗渾淆善惡參差卽心有限
在理莫規試覈衆肆庶獲所窺道家蹟近羣流缺遠
假名恒誰傍義豈及獨有兼忘因心則善傷物沈迷
羨彼驅遣變服京師振錫廬頂長別榮蕞永息幽嶺
舍華龔素去繁就省人苦其難子取其靜昏之視明

謝康樂集

卷四

二十六

卽愚成絕智之秉情對理斯涅吝旣弗祛滯亦安拔
子之矜之爲爾苦節節苦在己利貞存彼以明闇逝
以慈累徙欲以援物先宜濟此發軫情違終然理是
梁鴻携妻荷蓀見子雞黍接人行歌通已於世曰高
於道殊鄙始見法師獨絕神理形壽易盡然諾難判
乘心卽化棄身靡歎懷道靡厲景命已晏矜物辭山
終身旅館嗚呼哀哉魂氣隨之延陵已了爲螻同施
漆園所曉委骸空野豈異豈矯幸有遺餘聊給蟲鳥
嗚呼哀哉緬念生平同幽共冥相率經始借是登臨

聞石通澗剔柯疏林遠眺重疊近矚嶇嶇事宴地開
尋微探贖何句不研奚疑弗析帙舒軸卷藏被紙襍
問來答往俾日餘夕沮溺耦耕夷齊共薇跡同心歡
事異意違承疾懷灼聞凶懣悲孰云不痛零淚沾衣
嗚呼哀哉行久節移地邊氣改終秋中夕踰桂投海
永念伊人思深情倍俯謝常人仰愧無待嗚呼哀哉

廬山慧遠法師誄

道存一致故異化同暉德合理妙故殊方齊致昔釋
安公振玄風于闢右法師嗣沫流于江左聞風而悅

謝康樂集

卷四

二九

四海同歸爾乃懷仁山林隱居求志于是衆僧雲集
勤修淨行同法餐風棲遑道門可謂五百之季仰紹
舍衛之風廬山之嶺俯傳靈鷲之旨洋洋乎未曾聞
也予志學之年希門人之末惜哉誠願弗遂永違此
世春秋八十有四義熙十三年秋八月六日薨年踰
縱心功遂身亡有始斯終千載垂光嗚呼哀哉乃爲
誄曰

於昔安公道風允被大法將盡頹綱是寄體靜息動
懷貞救蘊事師以孝養徒以義仰弘如來宣揚法雨

俯受法師威儀允舉學不闕牖鑒不出戶稊糧雖
獸爲萋楚朗朗高堂肅肅法庭既嚴既靜愈高愈清
從容音旨優游儀形廣演慈悲饒益衆生堂堂其氣
亶亶其資鬚當味道辭親隨師供奉三寶祈微辨疑
盛化濟濟仁德怡怡於焉問道四海承風有心載馳
戒德鞠躬令聲續振五濁暫隆弘道讚揚彌虛彌冲
十六王子孺童先覺公之出家年未志學如彼鄧林
甘露潤澤如彼瓊瑤既磨既琢大宗辰止座衆龍集
聿來胥宇靈寺奚立舊望研幾新學時習公之勗之

謝康樂集

卷四

三十

載和載輯乃修什公宗望交泰乃延禪衆親承三昧
衆美合流可上可大穆穆道德超于利害六合俱否
山崩海竭日月沈暉三光寢晰衆釐摧柯連波中結
鴻化垂緒微風永滅嗚呼哀哉生盡冲素死增傷悽
單繫土嚮示同斂骸人天感悼帝釋慟懷習習遺風
依依餘孌悲夫法師終然是棲室無停嚮途有廣蹊
嗚呼哀哉端木喪尼哀直六年仰慕殊切弟笠
今子門徒實同斯艱晨埽虛房夕泣山嗚呼法師
何時復還風嘯竹柏雲靄巖峯川壑如泣山林改容

自昔聞風志願歸依山川路邈心徃形違始終銜恨
宿緣輕微安養有寄閭浮無希嗚呼哀哉

銘

書帙銘

懷幽卷牘戢妙抱密用舍以造舒卷不失亮惟勤玩
無或暇逸

佛影銘

夫大慈弘物因感而接接物之緣端緒不一難以形
檢易以理測故已備載經傳具著論矣雖舟壑絕

謝康樂集

卷四

三十一

謝像法猶在感運欽風日月彌深法顯道人至自祇
洎具說佛影偏爲靈竒幽巖嵌壁若有存形容儀端
莊相好具足莫知始終常自湛然廬山法師聞風而
悅於是隨喜幽室卽考空巖北枕峻嶺南映滌澗摹
擬遺量寄託青彩豈唯像形也篤故亦傳心者極矣
道秉道人遠宣意旨命余製銘以充刊刻石銘所始
寔由功被未有道宗崇大若此之比豈淺思庸學所
能宣述事經徂謝永眷罔已輒罄竭劣薄以諾心許
微猷秘奧萬不寫一庶推誠心頗感群物飛鷄有革

音之期聞提獲自拔之路當相尋於淨土解顏於道
場聖不我欺致果必報援筆興言情迫其慨群生因
染六趣牽纏七識迭用九居屢遷劇哉五陰卷矣四
緣通使轉輪苦根迤邐迤邐未已轉輪在已四緣雲
薄五陰火起疊疊正覺是極是理動不傷寂行不乖
止曉爾長夢貞爾沉誠以我神明成爾靈智我無自
我實承其義爾無自爾必祛其僞僞既殊塗義故多
端因聲成韻卽色開顏望影知易尋響非難形聲之
外復有可觀觀遠表相就近暖景匪質匪空莫測莫

謝康樂集

卷四

三十一

領倚巖輝林傍潭鑿井借空傳翠激光發罔金好冥
漠白毫幽暖日月居諸胡寧斯慨曾是望僧擁誠俟
對承風遺則曠若有槩敬圖遺縱䟽鑿峻峰周流步
櫛窈窕房櫳激波映堦引月入窻雲往拂山風來過
松地勢旣美像形亦篤彩淡浮色群視沉覺若滅若
無在摹在學由其絜精能感靈獨誠之云乎惠亦孔
續嗟爾懷道慎勿中惕弱喪之推闡提之役反路今
覩發蒙茲覿式厲厥心時逝流賜敢銘靈宇敬告震

頌

無量壽佛頌

法藏長王宮懷道出國城願言四十八弘誓拯羣生
淨土一何妙來者皆清英頽年欲安寄乘化好晨征

謝康樂集

卷四

三十三



戰生一何妙來昔昔青共蘇半燈安寄乘化好晨征
去嫌身王宮刺道出國城願言四十八弘誓拯羣生

無量壽佛頌

頌

